

柳待制文集

六

碑銘

護國寺碑

延祐五年歲在戊午 皇姊魯國大長公主 以作護國寺于全寧路之西南八里直大永慶寺之正以為摩訶葛刺神專祠亦既丑戌命其篆其事于碑其

按摩訶葛刺神漢言 曰 甲也初

太祖皇帝肇基龍朔至 世祖皇帝綴華糾戎卒 功常隆幸摩訶葛刺神 以其為國護賴故又號大護神列諸大祠備輿應 而西域聖師太弟子瞻巴六以其法來國中 上祈祠曰請立廟于郟城之南涿州祠既日歲而果

蓋以尊方

至師南下有鰲降均州武當山曰今大黑神領

北未吾當謹避之及渡江人 往往有見之者武

神即此所傳玄武神其知之 天然則大黑者於

正於一為水疑為精氣降為 月靈以與相我

一國家信 函斯年 之 參星取

出之 雲心象 之間陰幽之 氣濟蓄萃結其

念茲 神孰宜今 大長公主之 在藩首崇日

嚴事如式夫以昭承

宏猷導迎

兩宮欽祠之 洪貺而豈私福也哉禮所謂不越

禮也



祀者神固是以當之矣宜乎神之監之垂休錫羨以
燕貽後之人與

國無極其詞曰

陰陽聚散交屈伸二氣合一一乃裊下維山川上星
辰陽明陰幽理誠陳北方有神鎮天垠大黑之氣為
形身神來乘剛颺兩輪

飛龍中天逢

聖人元會遠世此一新翊扶不啻臣與鄰弓戈既指
字無塵西開滇蜀南剗閩軋清坤寧物物春神頌作
主歆明禋 帝姬封魯大國均

皇祖有訓式克遵闢祠藩是肖像真用其法祀嚴昏
是玄玉置瑱瑤為首鼉皮壘鼓和以鐔神兮

神符用之集九

二

然臻昭其靈貺來續續

天子垂洪坐嚴宸 咸王繼世仁如麟 千秋

萬歲宜人民

懷州大興龍寺碑銘 并序 代趙丞育作

儀天興聖慈仁昭齋壽元全德泰寧福慶皇太后既
顯變寶冊于興聖宮大備天下之養迺皇慶二年七
月丙午

內出旨諭徽政使臣識烈門同知使事臣李蘭奏曰
惟昔

順宗皇帝載德居潛實有分地在孟津之東太行之
西肆子冥躬暨

今天子嘗幸臨其處若稽

祖宗故事即行殿作大阿蘭若宅淨信比丘其中尚
庶幾明薦
國釐以承

皇祚於無窮今予既命內侍臣晃忽兒不花往涖茲
役維爾一二臣以興以輸式時底績俾予翕受成福
臣識烈門等承

命之明日大徵工師經畫基構計慮尋引具為書移
河南行省出緡於江淮財府即市荆揚大木使就繩
削浮舟以來迺若鐵石瓴甃髹丹堊墁之品像繪旛
蓋函度鐘磬之儀費皆中給又飭左都武衛千戶劉
某知事馬某專典供億越五年寺成

皇太后賜名大興龍寺斥陸田三百頃以贍寺食而
以其碑之文命臣某序書之臣某拜手稽首而獻文
曰維

皇元誕受

天命仍世作德明配在上淳恩豐澤漸涵煦育東西
極日出入而南北際於炎荒玄朔之地海虛瘴徼廣
輪不知其幾萬里聲被教洽薰為太和庶幾於唐虞
三代之盛矣而迹其所以則若多得於大雄氏之道
者竊嘗觀之自夫象教旁霑時君世臣固亦尊信隆
事傾悅企嚮而徒揣迹於言語文字之間謂足以殫
盡其道而不知吾佛世尊大圓悲智方便聞修六度
俱證萬有咸宗者以能一本於仁而求諸吾心之懿
而已厥今

皇帝陛下重文宣武戰而

皇太心殿下之柔承軌之剛

前朝

後闡雍雍懌懌明孝深慈化覃普率是惟有得於其道而且全得於其心者矣宜乎紹開天地之休迓續

烝民之主焯然為千萬世皇極之主也矧茲覃

昔莫方齊封禹域咸在都畿之內

三聖人龍光所被車轍馬迹澤奕如新紺宮金剎雲

湧山立諸佛尊固將隨境應現發祥委衽翼

慈笑於萬億而登

洪圖於三五所謂由佛之道得佛之心若明微定保

其其在是銘曰

竺法之隆叶于皇明維時闔闢与元化并相古昌履

克濟承載其盛德以福函生是於佛道為一勝相

此種種光照燭無量微塵刹中海寓崖嶂下遶草木

華澤滌盪昔吾能仁出震五天垂正徧知示作昭先

什累之和頌聖乃傳

皇元祀哉啓運非後念茲法印如手界受

累聖同符以有九有仁問既敷義聲以鋪山絡海

悉貢悉輸一雲所覆一雨所灑農不異報工無殊

衣裳并冕上秩下序春秋祭醑什什任任

胥樂太康假哉靈承我

今皇

皇侍

長樂孝思孔陽貽厥壽豈以燕萬方萬方輯繁
文母是式式是休嘉維作皇極

太母曰嘻予有攸得諸佛應心在予一德勝思河內
猶古沛豐即崇塔廟揆制斯同爾徽政日畫位以政
其堅其良駿發爾功且識烈門敬拜稽首亦蕃亦繁
亦塗亦釳豐棟華棖文網雕牖磻堦瓊沼翼騏左右
長老廣開奉圖實耒

慈願載豫

重瞳屢回錫名興龍

聖言大哉既寧爾居以有揣食乃割并腴乃弘經席
花彩東西唄聲晨夕懷人盈廷誦言以謹

龍德方中萬目齊觀願我懷人有憚在頽既開化域

和帝制三集元

五

懷人孔安濟流疏疏王屋峙峙爰據其幽又萃其美
城眉非遙五臺非邇青後白象時度時心是雙樹林
即名極園函香歲來社祉繁繁

皇帝孝仁握乾闡坤

順考之子

世祖之孫纂纂繩繩光于無垠

二聖萬壽後天而存秉佛之慧為域中尊儒且作銘
皇哉

有元

李武愍公新廟碑銘并序

太保滕國武愍公有大勲載于盟府有盛德放于江
西十一州而建昌為郡不乎江嶺閩越之間固嘗

公之遺惠于碑今搃管薩侯始大作新廟春秋備其薦事盖上以承

國典而下以順民志焉初公以益都淄萊新軍萬戶圍攻襄樊遂從丞相淮安忠武王濟漢渡江略定淮楚王受

詔自將擣臨安以右丞阿里海牙鎮鄂而以江西付公及宗都至元十二年道進公左副都元帥分兵由九江南康入隆興開元帥府下撫瑞建昌臨袁吉贛南安諸城又南踰嶺至海其北盡長江東西際閩與湘收郡縣一百五十得戶三百萬未三月已上其功當是時民之望公如電雷薄敷風雨交至名能動物而物無後孚明年宗相陳宜中節度使張世傑擁蓋

王福州收諸道潰兵謀為中變右相文天祥亦自會昌以衆屯邵武署其土人吳浚爵位稍出建昌汀贛以蕩搖江西六月公馳至建昌乘利備禦會鎮撫孔遵師出寧都還得鄉民數輩江閩道上械致公所云同知軍事易仲榮使走福州報府軍虛實而軍中又往往搜購文丞相所與建昌故官大家書劄事連數百家時留戍諸將校目是欲激公一言遂其私利公微知之旦起坐譙樓召諸將校俱前立所逮人其下趣取書焚之諭以逆禍順福曰吾念尔輩上之民不忍以迷復致凶吾今悉貸尔矣杖數械者自餘獲縱皆再拜收泣言曰天賜公活我誠願洗心自新諸校或下亮公所為公徐語之曰是所得書往返千里

外有達有不達亦安知非姦人芽蘖於其間今不嚴
實而槩論之挈數百家民命徇其邪謀何以安反側
之心已而聞浚以兵十萬據南豐公立接諸將方略
破走之八月浚復屯市山聲言必取建昌公遣千戶
忻都送戰兜港誘之半渡徐出鐵騎蹂其後追北三
十里橫尸滿野又命鎮撫翟欽徑覆其巢穴廣昌浚
走汀州公還而建昌之亂帖息如未附時矣方倉卒
上變適承豫章興獄之後為數百家計者不過席藁
私室以待斧鑕重則瀦宮為汙池輕則化家為囚虜
夫何疑然及公制釁於俄頃消禍於片言遂能易亡
而存轉危而安雖其精神心術之所運而所謂智勇
与仁微公孰宜兼之哉其後公以參知政事拜蒙古

漢軍都元帥經略廣東遂會湖廣行省平章政事阿
里海牙江東宣慰使張弘範等舟師崖山乘潮薄南
舡縱短兵接戰執政陸秀夫窮蹙抱衛王赴海死降
其宗室侍從官承宣使尚數百人得其所懷金璽獻
凱于

朝十七年三月以資善大夫中書左丞行中書省事
于湖廣後四年承

詔從 皇子鎮南王計罪交趾至其國無梁河結
筏徑渡奪天長府世子率官屬航海遁公部勒舟師
追艮之獲戰艦二百艘公度天長濱江江水橫溢則
冒沒營壘非便將大城其府留師困之謀不用而水
果暴至回趣班師命公以其軍殿公且行且戰及

皇子前邁其伏兵起永平關藥矢中公膝次思明州
遂薨以其喪還葬都城西永安山南至元世八年有
旨錄公死事特贈銀青榮祿大夫平章政事賜謚武
愍於時卹典未行 命始下人人以為沒身曠世之
遇至大元年從贈封令復加號推忠靖遠功臣贈太
保儀同三司追封滕國公仍謚武愍公姓李氏諱恒
字德卿其先有國河右之賀蘭山曰西夏者公之世
也自其父淄州都達魯花赤贈金吾衛上將軍簽書
樞密院事滕國忠襄公始家淄川長白山下故今為
淄州人於是去公綏靖建昌之年已五十年餘矣昔
之飲沐公德者長子若孫且更數世而猶曰吾父吾
祖李公之所全活吾雖易姓以從公飲食以祝公亦

若歟焉矧今吾侯啓之以崇報之禮示之以惇厚之
風則自吾以及世世凡而取雞与豚登黍与稷以能
滋吾之生殖者皆吾李公之德之漸可忽忘哉迺相
率來請余文刻之牲石余嘗備數禮官考夫有廟則
祀之節矣蓋天子縣內之諸侯有采地焉外諸侯有
所都之邑焉故皆得立廟而非其同氣之尸則有不
獻不嘏不旅不酢而已降秦及漢若藥公之配食社
主若蜀守文翁齊相石慶之立祠郡邑以至于祠鄉
南陽涇城之繼起雖其事變古益滋尚皆人心之不
可終泯者然耳則今李公之廟立於綏靖五十年餘
之後非夫秉彛好德之心有動于中能致然乎傳曰
國功曰功民切曰庸觀公所樹立之如彼而其子孫

紹隆繼美之如是抑庶幾古大目之遺烈哉雖廟而祀之在建昌之民猶為不戾於禮者公之世爵行業有國史之傳有奉常之誄有幽堂之銘有隧道之碑有家廟之詩余之斯文為建昌釁廟而作者也故序其績詳焉薩侯良二千石也名薩德弥實政有体要今既美代還朝矣建廟之力出於管軍上百戶羅勝羅由軍校長百夫是嘗隸公麾下尤有德於公云余既論次公事復系之詩以永公思其詩曰人心不一至變則通聚正乘剛其來不窮濇之萃之有廟于中惟廟伊何饗德与功江閩之交盱為軍壘守攻更禪曠不知幾宋陪

元興如龍雲起維時武愆受辭南指麾旄所次謀若

四十五
初齊制文集九

九

天啓既帖蠻荆拓江及吳水有鯨鯢山有豹貙亦順而寧無稽而誅小腆非殺誕敢集枯鄰之震笑有淫弗蘇盱民晝呼孰于余釁籲天不聞運頸待刃有勇武愆提師來徇曰此吾民悼耄鬢亂在我懷柔毋欲蹂躪尺櫝之疑付以東煜去尔茅蘘絕尔痲吝樂茲盱民血肉吾身豈惟吾身祚及宗姍我宅我居我田我耘以社以方燕及秋春武愆在天惠于若人五紀而羸越若朝夕女則有甥男則有息家有訓言受藏以繹視公如神左降右陟相我後人無我敵戮自公之旋有頌于碑民則思之而未克祠今守薩侯繫公是儀作廟言言肖像魏魏我民脩祀有崇無隳姑山崔崔盱水湜湜昔公來思琇戈金戟今公顧綏玉

案席有餘其馨遲公來格絃余雅歌式薦明德

慶州路新脩廟學碑銘并序

慶州路新脩廟學成總管盧侯景經歷王君文彪以書抵某請識牲石書曰昔昌黎韓子為鄴侯李繁作慶州孔子廟碑文歎其至官能以為先既新廟改像又置講堂選博士弟子肄習其中而本錢廩米皆可繼處以守則固廟學具與宋制無異矣及孫威敏公沔徙建今學時則慶曆詔下以公之賢興此不難也其後宣和盜起學燬黃公葆光為州復崇新構視舊加宏入

國朝垂六十年雖或革或因屢勤工役而朽壤未竟摧剝隨之景之始至祇謁廟廷退即堂席顧瞻棟甍

四

柳待制文集九

十

危甚將廢乃與長貳合謀屬經歷王君勾校出入之贏得逋租餘八百石戒有司毋緩輸命計吏別儲待飭材徵工畢於是乎取方授圖練日會浙東海右道肅政廉訪副使李公按部至郡景白事及之旦日廟見公周旋庭陛計陳器設縣之位殊隘宜增闢東西各一楹以廣其度隆棟厚礎既矗既安脩葺豐藉不偏不踰河目海口翼翼在上陟降拜舞舒舒有容自靈星門泮池重閤列廡至于會講之堂稽古之閣絃誦之館齋宿之廬下逮廩庖庖漏凡榘榘傾侈而甃甃摧落者咸易弊為良外隅內奧壘艦相輝又度地正陽作新亭具刻

詔書以承 休寵役未半教授林堂寔來尤相與

力以察成令鳩僇告備予惟守土之尸職司教
屬時補獎豈有勞烈可名金石而使輟至止嘉惠斯
文勸獎作興以致茲新美將令千里之民均霑豐芑
之澤仁漸義績貽訓遠矣倘幸假辭紀載明李氏仍
世有人使吾處之民視儀終始樂學之成以嘆歎詠
歌於無已其亦可乎昔某備官成均從公為僚今退
休田間在公容察之下維顯詩之則其職也公名端
字亦方由藝文太監掌書籍事予聞節改今任有學
規十一條布之列郡示下學上達之方著明善誠身
之本有學有政知先後哉詩曰

若古薰民有庠有序閭塾所升進旅退旅飲射讀法
於區廬語還從父師講道肆德事親信友動言維則

及夫興賢自鄉而國致用於時為大夫士亦祇六德
亦和三事由仁義行非行仁義庠以養賢序以序射
士出於農學須其暇越鄉而遊則衆所舍凡學之成
民用丕變少壯代老耕則讓畔明君誼辟視為勝美
魚嘗脩泮鄭不毀校來歌來議胥訓胥告二國之政
卒以無暴巍巍聖師宜有廟樂唐始潔祠宋因建學
簋豆孔嘉笙鏞間作夫是秩禮亦承于古瞽宗之制
殷薦樂祖周公於周孔子於魯邾是國中聖維教父
首善自京形于郡邑教行祀舉洋洋秩秩元運重光
赤如天日率土有截嚮用儒術

明詔屢發申嚴甲令憲目宣風良牧涖政吉蠲必芬
式時誦詠育彼菁莪洽于休盛山區海際凡有官守

挈是夷風化為禮囿括維東藩千里而寰俗鮮淫昏
民重孝秀建學立師繫教之始孰為新宮歎侯氏李
在宋孫黃亦濟其美支傾柱敗間閱五紀撓棟墜蔭
日就汙下爰起新功以埃賢者盧侯至止有嘖悲咤
徵匠以傭椽材於野有奕使華翮其來屆嘉侯是舉
勉以弗懈介尔高明廓尔湫隘凡厥禮容有隆無殺
問財焉出逋租是輯咨尔元僚制其張翕廣庭閑閑
穹棟岌岌自門徂堂尔營尔葺無侈前人無廢舊觀
業有息遊祭有薦盥謹尔道思合尔判爨經訓昭垂
日星与燮挾策而趨重席而坐勉勉生師矯輕警惰
如彼執御逐左而左如彼稽田是蓄是儲惟二李公
前承後引異世相望肆不隕問惠我括民知遠之近

式訓程之視公繩準顯允盧侯職是南伯起孝起敬
民用飲食僚有王君燮其諾畫載新泮宮崇崇屹屹
神道設教天維顯用民罔敢知惟日康共春則侯相
輿則成誦矢詩颺之聲于有衆

温州新建帝師殿碑銘并序

郡府得建帝師殿像而祠之承

國制重祠典也初西域聖師八思馬以真智實慧具
一乘之解脫究三藏之言詮東來京師為
世祖聖德神功文武皇帝闡揚妙義流通教法言出
契機尊為帝者之師其隆禮備物古無与比而聖師
亦自以躬逢極治之朝願効師心之學迺依竺乾聲
韻制為國書新字錄本上之有

詔頒行天下且命官府符章制誥文檄悉以新字從事內而京邑外而郡國咸立字學使承學小生肄業其中至治初元

天子申勅列郡大建新廟務極崇侈以稱國家褒揚振厲之意温州在浙江東為大府矣于時守臣祇奉德音卜地城東華蓋山下羣工子來材良築堅廟成而穹殿中峙門堂翼映軒廡四旋搏土為像黃金之膚五色之表光采流動如開辟盡計其裒題之美壘臚之華豈止誇雄稱麗於闔越之疆而已也自其肇建逮今元統甲戌亦越十有五年而門闕之飾漫漶弗治長牧惻然用圖厥新重惟一代制作之盛侯邦受祀之隆不形篆刻曷揚景鑠

乃具石請詩詩曰

神聖有作天錫珎符適呈禹畫龍負義圖文以理顯數因象布合而成字聲諧形具篆籀之萌子本茲滋爰歷六章下逮師宜散隸一變真行再造紀事載言由茲有考旁行敷落異域之書亦用義類包括遺餘史官教失六藝殘剝離方遁園取便俗學點畫既舛魚豕目訛資之策櫝其謂斯何不有神人正名百物局究其微制為之律

元運龍興八表同天佛慧靈明示作幾先卓哉聖師生知謂智以大辨才為世利器曰是六書質之笠文諧聲一義如陶在鈞字則有毋母四十一反切而求部居秩秩叅伍乘除其用無窮譬諸律本肇自黃鐘

數周則復氣至斯應何必窺璣天時式正奎符篆刻
號令發揮庠講序述日星与垂煥焉新書形諸制作
元造同功誰其橐籥聖師成能無位有名恢弘像法
為世章程

天子念德詔崇祠典潔齊薦嚴編于寯縣聲教所漸
宇尉所監廟饗巍巍眎瞻巖巖於焉華業於焉設俎
若昔夔夷祭為樂祖永嘉古郡際海為隍仙聖所都
塔廟相望有山華蓋川澄林靚乃卜新宮以承明命
明命自天承之在臣我是藩侯式宣式旬釁廟禮成
佛日增煥彤户霞舒繡栢雲散肪流瓊城獸擢金觚
曠檻輦如軒廡檐如臺門設樹宜新無故侈而大之
責在今吏乃崇基構迺塗丹青闔六扉上應靈星

郡僚趨庭拜跽興伏祀事孔陽不戒而肅燎烟所升
結為香雲徧恒河界苾苾芬芬薦此明誠為

天子壽

天子萬年統有九有九有承寧四方底平像教旁沾
里為化城載稽往古聿惟三重制禮考文非聖曷頌
天德作仇人文褰開聖師臨之皇猷顯哉泮水闕宮
保魯所作尚廣德心播諸詩樂豈伊教父与佛齊尊
祠秩昭垂貽厥仍昆有石無辭何以警後禮官詩之
用戒牧守

慈溪縣開壽普光禪寺碑銘并序

昔在宋寶祐二年其歲甲寅史永國公去相闕十年
笑以其宿智願力輸發家財作大阿練若于慈溪縣

西南石臺鄉之車廄墾用前執政恩數請于朝得賜
額開壽普光禪寺斥田租一千七百石有奇海塗山
林又若干頃別籍于寺以為永業於是像佛有殿演
法有堂庑經有藏懸簾有樓有齋寢以安禪寂有門
闈以限出入有方丈之室有香積之厨有給事之司
有肅容之館魚鼓鍾磬牀第卧具凡寺制之所宜有
粲然畢備初寺未底績而公薨其子玠卿等即奉裳
帷窆西天峯下至是寺曰得以設像寘祠禮也十年
為咸淳三年廼起甘露寺高行僧時敏集諸大德律
師標結界相宣秉羯磨佛事二晝夜而寺功告成自
可慶開席更變通二代而敏遂受請住持敏徑山佛
鑑範公之嗣子開堂說法倡明道要一時飽參久證

咸來依止屢笠雲委巾孟川會化新造之區為大方
之家敏實為之而謂其力能致是是不然矣旛華香
彩影動半空韶籟溪濤聲傳百谷踐其域而躋其道
者如行直廬瀟皖之間不知身在荒灼野水濱也蓋
其地去支山不十里晉高僧支道林嘗往來游息而
宋之禪伯進席子所栖隱石門山者又近在廿里間
虎子与浮山遠公達觀穎公薛大頭諸德同參同遊
想其經行宴坐之處神光靈氣飄揚澗壑之中与香
臺金殿同一布護要之象王師子豈有異迹哉敏既
退休其徒景星實嗣居之次亦清次慧雲次惟敏次
希道五傳而其孫曾起于法匡復以公選補處蔭松
檟以蔭門街婦侵地以正疆理迹其弥綸闕漏渙飾

宗猷卓然惟有端緒由寶祐甲寅下逮至元己卯羸
十暑霜矣而是普光之境駸駸比隆於三佛勝地
不至莊嚴妙好稱茲像法則不止也嗚呼盛哉今年
秋余東游過龍山而少庠焉其長老守廡初化故其
宿衲莫葉謀於寺衆具列始末請文貽來余嘉永國
有大緣業而自敏以下皆能立志弘法何其承休濟
美克至於是宜彰懿範垂示方來乃序而繫之以銘

銘曰

支越而鄞川融山結有谷盤盤如環繫玦湧翠浮青
下蔭森樾金銀吐氣風霆啓鑄其繫普光王有大刹
土地神持地曰此寶所論於空荒誰為適主當乘勝
輪軒豁呈露其時惟王臣永國恂恂攝一切界入種

種因千楹瑒玉萬礎截珉樓閣門開光景橫陳其寺
功未究永國上仙簣進為山則由象賢益圖鉅麗以
廣堂造乃致碩師說法熾然嗚夫是碩師蹄名龍石
非法說法摧鋒破鏘參徒四束依之游息醍醐酥酪
滿噐而食其昔在興化前賢後銑一道傳持如手授
券故能弘宗以不退轉在我法中何式非典其呈吾
上首於法有緣賢賢相證至於忘筌揚燄騰輝一燈
五傳曰予泊匡玉貫珠聯其並持法寶規拓禪叢如
水湧波如雲行空不滯名相不專伐功一華瑞世五
葉春風其我聞五天聖道場地羅漢栖游天龍擁衛
樂我常淨拚除諸穢雖在山林而多靈異其神泉發
寶慈雲垂蓋具眼比丘攝衣來會不離牀座得大自

在依止上乘入佛三昧其九是正回當報佛恩無使
無明我我善根著福田衣為大沙門信心不果舍智
即昏堪如濟瀚海不登慈航飢蛟饒鱗肆其斧吭能
自起信回向心王不動諸念成彼津梁無謂法道隨
世遷貿當知伽藍願力所就永國基之耕則始耨諸
師是承肯堂肯構其堂構成矣迺藩迺飾敷籥勸矣
迺稼迺穡咨尔後人謹其封殖仰心前徽不昧惟德
其甲子既周而又半之紀績垂鴻有石無詞爰鋪厥
美琢此銘詩於萬斯年昭薦

國釐其十

頌

東陽縣禿滿長官去思頌并序

柳存制文集九

十七

在唐興元初有賢令曰戴公紳倫既去東陽遺愛在
人思之不忘託辭頌德刻于貞珉下逮 今至順辛
未五百五十一年而縣之賢長官禿滿答時公亦適
去官滿歲矣民之思公猶昔人之思戴也將順替故
事確石載辭表世訓後迺來請文予不能却也夫以
世閱五百五十一年之久而令長之迭去迭來名湮
跡淪者何啻數百人若兩公之相去寡乎其不相接
也乃能並繫民思繼揚歌頌於以知是理之公著在
人心雖千載而有同若世之夸毗恣睢徇人忘己者
之孰得孰失則有不待辨而明者矣公字曼卿本只
溫台部人以族望材翦從事閩閩復由昌國州佐辟
浙省譚曹掾出長睦之分水再轉而來是邑也

嚴泚民以簡制政一堂之上而立風百里之間悅不自昧其初心故去之日如始至知俚俗拘於陰陽之譌論而親喪或數十年而未舉於是申明禮制勸示葬期蓋隨其豐嗇以就葬埋者十有餘喪而民興於孝俗歸於厚矣患悵籍弊於吏曹之乾沒而官繇民賦或失其富貧之等於是下令制期自陳過割蓋躬操朱墨鈎校出入曾未數月而戶版以明民稅以定矣流逋四歸耒耜方來而田萊闢矣風清弊絕狂繼直伸而力役均矣已德既明則無情者不得盡其詞矣無欲故公則雖日賞之而不竊矣廉問彰聞委符迭至而賈其餘勇奮其獨斷又足以平刃境難平之訟矣棊堂畫靜理定智行而徂憑鼠依狸踴鱗舞有

不得以肆其欺售其姦矣政或少暇則敷揚經誼以申庠序之教歲或荐侵則推誠勸不以甦捐瘠之民庭無納謁而耳目之聰全吾素矣門絕苞苴而口體之養無私奉矣乃若退食之餘深扃宴坐誅經考律即事窮理沖襟曠度蕭然若山林之隱夫布韋之賤亡間則課子姓以學而貴介之習膏粱之味不使之接於耳適於口入於心也詩曰豈弟君子民之父母而傳亦曰陳之以德義而民興行先之以敬讓而民不爭道之以禮樂而民和睦亦之以好惡而民知禁然則君子之致其治也固亦率之於身信之於行而已嗚呼豈弟君子微公其孰能當之欽部使者段公丁羅思公亦既廉得公行交章論薦而陟明于

朝矣課其已庸宜居郡最則寇惠文於柏府蕢幕畫
於薇垣揆德疇庸夫何騰哉談者類曰建官樹牧本
以維上下而禁淫邪自世鑒不明民器滋甚是非質
於形似之微摧切成於文網之密蓋古以官制民而
今則反制於民矣夫以懷危內顧之心而為是苟容
求全之計宜乎州縣之政日入於衰壞而莫之能拯
也予則以為不然木以蝎蠹石以溜穿使吾截然無
間之可乘則民雖善巧吾固持之以誠變雖日萌吾
固一之以法就令萋斐宜於組織青蠅工於點染亦
安能傷吾錦而累吾玉哉謂民情之有善也何以挾
瓦石而伺出謂民情之有惡也何以撫嘉樹而興思
予以是知理之著在人心者千載而有同持之以誠

一之以法者昭灼而可恃苟以孟子所著濯纓濯足
之歌而證之以東陽之民之心則世豈有不善之俗
天下亦豈有非義之民哉然則迹公豈弟宜人之政
初無藉於斯文而斯文之不令豈將植私愛於公去
之後而徼公之知於不可涯矣之中哉頌者羨盛德
之形容以告於神明者也予無良史之材竊慕風人
之義式哀輿誦爰播康衢其頌曰

建邦畫邑維以圉民勢如綴繆遠踈近親百里之疆
其衆姓姓治耶否耶仁与不仁長民之官示民丕式
不惠吾生尔食吾力匪忠匪愛于何適職職競由人
爾作德德壅斯竭德盛斯流彼興有民曾不是求
爾
覆背為讎相我魚肉於尔戈矛暨暨賢侯

治茲巖邑巖邑之民伍伍什什如牧放豚既入其立
則便安之毋若東濕聖不云乎三年有成不懈于久
不鬻于盈問農何如我獲我耕問吏何如我章我程
商職質遷工作什噐桑雉于馴麥岐成稔居有恬熙
行無跋躑視廛知野民則遂遂愛侯慈毋敬侯明神
侯之与存雖泯不泯百年之思僅一秋春今侯去矣
孰佑我人昔舟之僑不競于政曰古遺愛聖以善鄭
殖而田疇誨而子姓誨之殖之教立治定吾聞君子
遠大是知究觀侯心式穀似之翩翩鳧馬蹇蹇鳳儀
考績升明莫我惠綏治朝求賢徵于既試侯之風裁
衆羽一鷺有頰其并有絲其轡原隰之諫僎侯斯涖
侯德在民時雨春風披拂漸濡谷于困窮窮閭舉子
以姓從公此豈苟然明民之衷畫水之湄峴山之麓
有繫其思豐碑矗矗義民耆壽請詩于僕爰告方來
鑒侯之躅

元故海道都漕運副萬戶咬童公遺愛頌
海漕之事其有關於國計為甚重矣夫括東南半壁
之賦租入備 天府山岳之儲峙非能無胫翼而飛
行也然率循故常不贏旬月畢集京師以有人焉轉
旋闔關於其間故耳漕運萬戶之有府有官始朱張
氏自 敗以倚注尤重

朝廷嘗紆廟筭慎簡名流付之操柄雖官有正貳之
殊而其品秩咸在第三金符銀篆出入駕三乘傳賦
祿視外諸侯倍列城守牧受牒聽令唯謹其去而朝

翔禁近出入臺閣者踵相接也官至萬戶厥惟重者
至順二年其歲辛未有

詔江淮財賦都府同知咬童公改漕運副萬戶蓋公
嘗為御史摧姦擊強有聲出 上簡拔將試之難非
序進也方公未至人已想見其風采及涖乃事則主
之以誠而行之以簡不琢雕以為巧不表襮以為明
凡所施設有順無強未逾時譽望翕然三年壬申公
當部發春運厥既受任蒐求利害而達計其然否得
其興除先後之實條析而縷陳之時行省參知政事
杜公出涖漕事察公言議誠確上輒見之於行春運
最為艱險歲常於浙西從便裝發是歲浙西被水行
省議撥江東糧十七萬石湊之公慨然曰風信不可

失失則有悞 國計非細故也江東遠在上流俟其
轉運交量入舟如稽緩何徑詣省懇請先發浙西所
有却徐以江東糧補足夏運宰相是公言立為改命
各所千戶輪番下海即分詣諸倉監裝無錫州長王
倫亦不花頗姦黠暴縱指使羣卒攘攫省須法斛不
時交裝事聞于省省命公驛往勅之一問得其罪狀
官吏既伏辜而料量亦不取贏列郡傲畏相戒不敢
犯公令舟比達直沽都漕運使督綱舡重際轉入河
倉都省常遣官臨視而以監察御史涖其成公復以
卸糧諸弊白之著為定令河海之舡稍破水夫各不
許離次入踐其舟又不許登岸遊行致爭從綱官與
海運千戶監臨交卸自始及終將閱兩月官有

而里無叫囂會省部科撥海舟別給脚直注運遼東粟蒞八萬餘石舟人射利爭欲承載公聞即取姓名悉附于籍立闡使自拈之衆乃帖息於是省臺官以公廉能實績文章薦之於朝而公以涉海憂怖成疾方竣事入見宰相報功及京遂卒訃至海濱舟衆聚哭相吊聞者為之涕洟既再歲而民之思公如一日焉迺伐石請辭將具列遺懿傳示方來予曰公亡久矣非有聲烈足以歌艷於人又非有福威足以警動於世而民懇懇焉懼公之迹湮滅無聞欲假吾文以圖不朽夫子謂誠能動物又謂有感必應其効固若是哉公阿魯威部人也由中書直省舍人出為濟南總管府治中拜西臺監察御史尋遷內臺江淮再

置財賦都府選同知府事復選為副萬戶階中順大夫卒年三十九公精悍謹敏勇於建事猶為所試者小耳使究其用則翱翔禁近出入臺閣其所以自重者必不心是而已雖然高爵重祿人可得也而面諛背憎出輒唾罵或至攻糞其私而斥敗之者皆是也則若公結愛於歿身之後而傳信於不可致詰之餘豈不足以崇厚抑浮而為挽回世變之一機迺系之頌以播于康衢以壽于貞石頌曰地大物衆曰維京師軍有糗糗民有浙炊資之以富則順無遠居重取輕強幹弱支惟聖斯訓夫豈迨私其賦粟荊揚以實天府千里饋餉士猶飢阻而況萬王如出諸庾溟海為渠肇今非古蛟龍掖檣飲飛蓬

觸其發不決旬達于析津千倉萬倉其積陳陳曰是
漕計回斡有人不疾而速不響而臻其致伊何視民
猶身其身有痒痾為吾隱痛不恤其憂民則誰控繫
咬童公世之麟鳳其智良知粵有機綜謂吾與民異
體同用嘏必厝之安必扶其傷使涉大川如履康莊
我不忘民民其我忘至順之二春當戒航舍近移遠
民始俵俵琪公曰風信毋寧少矣往顛外廷報可如
響有撓吾法俾直毋枉網船受輸茲滋弊長公究其
端始張禁網琪凡民有欲聚則必爭無虧無盈既平
既成民曰平成由公之明公曰尔民無麗于刑式端
其歸以暢尔生琪天胡夢夢不畀公壽有勞弗施有
用弗究民之孔懷疚心疾首仰公如神忽左忽右公

四十七

柳待制文集九

二十三

乘焱風顧我童叟如父于罔不惠歆天理雖微
著存人心如霆斯發如日斯臨影響形聲昭昭德音
謂民忘公匪今斯今琪天之粒民以為尔極國有服
貢士有稍食餉道之行繫水之力雲濤際天其憑其
翼公終佑民民思無斃琪

嘉興鹽運分司紀惠頌有序

漢置郡國均輸鹽鐵官鹽官天下凡二十八郡而在
大江以南者會稽郡沿海鹽會稽地聯東西部封域
廣矣海鹽以地產得名庸詎心嘉興一州境於負海
之利煮水為鹽齊蓋正之以為富國強兵之術漢均
輸法猶曰推夫人用之數官自受之而以平賈出之
嚴私鬻者鈇左趾沒入其物所以佐百姓之急

核之費抑兼并而防滌汰也當時所舉賢良文學皆
對願罷鹽鐵均輸議者重以安邊足用之本難之遂
卒不罷唐置巡院峻權增估民已甚病至宋給官本
請鈔授鹽則厲禁加密而公私交瘡無遺策矣漢之
鹽官其制莫詳若會稽所部縱廣數千里海濱斥鹵
之地地盡鹽也而以一官領之大數百井而釜十釜
而鍾偶筴之而為籍錢人無以避此數也今給本請
鹽之法尚仍宋舊而統之以轉運鹽使司置使負一
同知副使判官負四重其官故常選用能且然佩以
三品銀章出入乘三乘傳其所部之總管府州若縣
承命不敢少後官以轉運名則夫開闔利柄隨時變
通諸使判官固得專而制之非如它有司受成法于
上按而行之猶衡石之不可以輕重低昂之也國制
二使總凡司事同知副使判官歲出分司涖校其鬻
鹽之次第而下上其賞罰冒禁而私鬻鬻者即議寘
于法任專責重則雖同知副使判官職有等楚國
二使而与之侔焉其選宜不輕矣嘉興大都境內列
置五場場歲有課有官吏以奉其成畫有倉庾以貯
其出納自比年旱乾潦溢之不常凶荒札瘥之繼起
亭民疲於剗鬻逋課未償新額日積官民胥為詬戾
若東溼然急則但數耗矣元統改元之明年轉運副
使穎川李侯實不涖其郡於是侯在官踰三年詒於
聽聞酌知其弊至則進其長貳曹吏而誡之曰鬻鹽
有火服給本有戶帳私鬻必出於場亭私鬻必受之

卒伍法所當禁吾不貸之以情法所當予吾不私諸
其屬利所當舉弊所當革尔明告吾吾其敢不悉力
自吾身以及吾之屬吏知以簡脚煩以廉率貪而已
凡著令之所具吾與若曹共守之一或不恭吾不以
絲毫貫汝也唱名給本隨至隨與無畧刺之淹無銖
兩之損也按行團竈單馬羈童糗糒所資取諸裝橐
勸其勤而懲其怠不啻父兄之督其子弟教戒之出
威於笞箠有犯私鬻鬻就逮而來則為之疚心疾首
推見至隱傳之輕典開其自新使不陷於酷吏之深
文不入於上罪之極拳雖被重錮人自以為不寬倉
庾受納辨其色澤為之平槩取足釜鍾無贏合龠贏
孺癯叟以次進輸莫敢先後予執筭籌鈎校登耗飯
蔬水飲若固有之無賓客之迎將無庖傳之讌娛去
之日如始至焉蓋亭戶鹵丁躬受涵煦之恩感戴不
忘義也而若齊民獲安力作以無隳突之虞以免織
羅之害如春風時雨之及物而物不之知則仁不勝
用矣今侯以治辦還司而民之飲惠沐德者咸頌列
侯之績刊之貞石示後至楷法迺相頌言曰吾儕小
人躬稼而食無尺籍於鹽官而終歲勤動積其布縷
粟粒之贏曾不足以當捕吏一飲齏之資自吾李侯
之至而始得率作興事以遂有生之樂孰能詩乎其
注請辭以永無窮之思予方悲世鑒之不明慨民晷
之滋甚而於是舉獨喜夫人心天理之不可以終泯
者如此則為叙而繫之侯名某字正卿由中書掾入

官宰滿城守泗上皆有惠政在民民為樹碑以頌遺
愛有為有守今將陟明于朝宣其智略紓民隱
憂薄海東南于胥望之鹽筴固其一事焉耳侯之四
子皆學為儒仲子國子進士第三子舉至治丁卯進
士第一詩書之教藹然一門侯之所存茲可見矣頌
為郡民紀惠而作非其屬之私焉先之以辦課之實
亦推本而言之者也頌曰

鹽實地產厥味維鹹海王之國利盡東南齊正其筴
積之成富漢鹽鐵官視為寶路均輸使屬賦及丘民
籠利而行兼并相因唐置鹽院宋始定課權其重輕
以滋食貨經費之出有國之常權法既密民用疾傷
聖元龍興制則因舊轉運名司官以選授藉戶給本

課無羨贏請鈔以估予鹽以平徒法不行人執其柄
校庾盈虧戒不恭命曰是嘉禾望于浙西貯分五場
有弗能齊歲龍在戌元統之二副使李侯持節往淮
謂吾奉法雖以視成毋愆于素毋憂于傾官有工傭
俾時散給尔有常輸則以時入稽其耗登示之勸懲
尔無私鬻釐于大刑法令在人昭如星日吾將与汝
守而勿失國有嘉量坊民于茲吾飭庾吏毋尔面謬
吾少也賤衣麤食糲今而賦祿行有舍芟繼粟繼肉
有廩有庖敢以口腹貽尔告勞一夫逮繫株連百室
侯鑒孔明罅穴斯室丘民力生食稻与魚向非吾侯
昌寧尔居昔侯未來蹙頞屢嘔侯既戾心燕及黃芻
治功成矣侯則言旋民之戴侯列宿在驪僕侯重來

持節按部以卒保我綏我眉壽顯允吾侯家有詩書
倫魁碩望承慶之餘懷仁負義侯所自致床笏如林
觀厥報施官守言責世豈嘗無無得有失是誠貞子
侯德之純如金如錫矢詩揚之垂後楷式

楊丞檢田頌并序

東陽丞楊公景安解秩將去操耒之農負販之夫暨
于褐寬之徒逢掖之士謹然言曰茲歲丙子公之涖
官適三年已而原田無秋民將阻飢公曰吾其可以
覆其筐廩既報可公受牒當分詣諸鄉一童一馬櫟
被徑往次舍必於菴廬食飲取諸棗棗視田勞農已
事即行跋履荒阻關數旬歸治任侯代退然若無德

於民者聞古有借留之典吾將破崖岸而求之不識
可乎嗟夫官民之間相臨以勢方滿秩將代旦夕解
去頻呻戚休吾何繫我而公之是心薦不能忘郵蓄
救患若已隱憂雖一食飲一芻秣之微不以重累吾
民宜乎民之愛戀真若去子之去其慈母而疾者之
失其良醫也迹公之智其賢於世吏遠矣然則願借
寇君興謀射度壹是吾民可已不已之情予茲有聞
敢忘傳信乃作楊丞檢田頌一篇以永民思竊附風
人之義流為孺子之歌頌曰

大縣置丞丞以貳令孫縫闕漏闔成政舉斯加彼
實制民命其肆今治縣共理惟寅占位涉筆丞豈貝
目有智必協有謀必詢其載稽治否酌有公論繭絲

後隙間不容寸民鑒孔明莫或流道其東陽在婺百
里之封廉德章章有丞楊公揚公制政健敏而通
先時立民喜聞樂訟公牖其衷不震而竦今雖執競
民獲康共_其因賦定役則罔後艱重其所輕滋以宥
茲賴公司平里謚閭安琪民奉公上有庸有調挾是
厚誣烈甚原燿公為事程無尔酌暴琪衆方囂囂莠
言盈庭汨其腥腐亂我芳馨繫公主靜神聽和平琪
亦越三暮俟瓜而代時秋亢旱赤魃為害焦澤赭原
莫觀經艾琪公戒于懷往籲牧連謂此巖邑民病無
年不蠲其輸則瘠而顛琪誠至言諄卒獲聽受即命
行田檢括疆畝公曰异哉予其奔走琪既屏騶從亦
載糧餼單馬霽童陟嶽降立勞來疲此使無隱憂琪

柳待制文集卷之九

二十八

毗曰明府顧我復我不驚犬雞不寤春莖遂我生育
拔諸寒餓琪宦成而忘人有常情繫公一節不撓不
傾翕是實德溢為休聲琪惟今部使張瞻明目刺貪
舉廉令嚴政肅豈遺其近而弗甄錄琪論公之才宜
濟時康最公之績何愧明揚廓而天路歧彼雲驥琪
賢智之生世常不數達而之用守約施惇廈材既具
不棄櫛櫛琪令人古人可企而齊麟黃卓魯夫何遠
而相我楊公大邦維儀琪我邑于西五舍而近謠誦
相聞說丞如尹問訊棠陰酌言斯允琪爰緝蕙章書
之康衢匪我誇公為後之模庶幾適人采而進諸



